

# **Majlis Apresiasi Kecemerlangan SK Pekan Satu “SKPS TRULY NUMBER ONE”**



**Labuan, 17 November– Majlis Apresiasi  
Kecemerlangan SK Pekan Satu “SKPS TRULY NUMBER ONE” telah  
diadakan di Dewan C.U.N  
SK Pekan Satu W.P Labuan pada jam 8:00 pagi sehingga  
11:30 pagi. Majlis ini  
merupakan pengiktirafan pihak sekolah kepada murid-murid  
serta bukti  
kemenjadian murid SKPS dari segi akademik, sahsiah, sukan  
dan ko-akademik  
meliputi unit Prasekolah, PPKI dan Aliran Perdana.**

Turut hadir ialah Puan Amiah binti Bua (Ketua Penolong Pengarah Unit Bahasa, Sektor Pembelajaran JPWPL) perasmi majlis merangkap wakil Pengarah JPWPL Tuan Raisin Saidin, Tuan Haji Yunus bin

Haji Yussof (Penolong Pengarah Unit Sekolah Rendah, JPWPL) merangkap pengawai Angkat SKPS, Puan Zaliha binti Mohd Salleh (Penolong Pengarah Unit Pendidikan Swasta Sektor Pengurusan Sekolah JPWPL merangkap NYDP PIBG SKPS), Puan Anita Shyamini A/P S. Azman (Guru Besar SK Pekan Satu), Encik Azrul bin Izhan (YDP PIBG SKPS), dan Encik Isyamuddin Bin Noordin (Pengerusi Permuafakatan Waris Prasekolah SKPS).

Hadir sama Puan Zailiana Binti Zainol (PK Pentadbiran SKPS), Puan Normah Binti Rahimi (PK Hem SKPS), Encik Esmit bin Amat (PK Kokurikulum SKPS), Puan Hafizah bt Ag Kanak (Penyelaras PPKI SKPS), AJK PIBG SKPS, 70 orang guru dan 200 orang ibu bapa turut hadir memeriahkan majlis ini.

Seramai 179 orang murid iaitu 6 murid PraSekolah, 36 murid PPKI dan 137 murid aliran perdana menerima anugerah masing-masing pada majlis ini. Turut disampaikan dalam majlis ini adalah Anugerah Pra Sekolah, Anugerah PPKI, Anugerah Kurikulum Anugerah Akademik Terbaik (Tahap 1 dan Tahap 2), Anugerah Mata Pelajaran Terbaik (Tahap 2) Anugerah HEM (Khas Kepimpinan, Sahsiah Terpuji, Gigi Tercantik dan Kelas Kehadiran Terbaik), Cabutan Bertuah Ponteng Sifar, Anugerah Kokurikulum dan Anugerah Keseluruhan (Tokoh Kurikulum, Tokoh Kokurikulum, Ikon Murid dan Tokoh Gemilang).



Sesi fotografi Puan Amiah binti Bua (4 dari kanan) bersama penerima anugerah kecemerlangan SKPS bagi tahun 2019.

Dalam

ucapannya, Anita Shyamini memberitahu bahawa penganugerahan bagi Tahap 1 melalui Pentaksiran Bilik Darjah (PBD) manakala Tahap 2 masih dinilai melalui Penilaian Kemajuan Berasaskan Sekolah (PKBS). "Sebagai menambah pengetahuan para hadirin, SKPS telah berjaya sekurang-kurangnya 61 kejayaan pada tahun ini antaranya Johan Lompat Jauh MSSWPL, Johan Lontar Peluru, Johan Kalam Jamaie (KDS), Johan Pertandingan Khat (KDS), Johan Pertandingan The Makers, Johan Karnival Bahasa Inggeris-Scrabble, 8 pingat emas Kejohanan Akuatik MSSWPL 2019 dan banyak lagi" tambah beliau lagi.

Puan Amiah

pula berkata, kejayaan murid-murid bukan hanya terletak pada usaha dan kesungguhan para guru semata-mata bahkan ibu bapa juga memainkan peranan dalam

mencorak masa depan murid-murid. "Saya menyeru agar murid-murid berusahalah dengan lebih gigih berbekalkan ilmu yang dicurahkan oleh guru-guru untuk memperoleh kejayaan dan mengharumkan nama sekolah serta negara Malaysia yang tercinta" tambah beliau lagi sekaligus merasmikan Majlis Apresiasi Kecemerlangan "SKPS Truly Number One".

Anugerah Tokoh Kurikulum Nursyakirah binti Madani, Anugerah Tokoh Kokurikulum kategori lelaki Muhammad Aqeel Naufal bin Irwan Hanafiz manakala kategori perempuan Nur Insyirah Dania Binti Saifullah, Anugerah Ikon Murid Fatin Nadirah binti Jusman dan Anugerah Tokoh Gemilang 2019 Hidayatul Mustaqim bin Hamka. Majlis juga dimeriahkan dengan persembahan daripada murid-murid SKPS antaranya Tarian Sambut Tamu, Persembahan Keyboard dan Persembahan Kalam Jamaie.



Persembahan Tarian Sambut Tamu memeriahkan Majlis Apresiasi Kecemerlangan SKPS.  
Akhir sekali, Cik Suriana Binti Kadir selaku penyelaras program

melahirkan rasa kesyukuran dan terima kasih kepada semua kerana majlis ini dapat dilangsungkan dengan jayanya. Tambahnya lagi, tanpa komitmen yang tinggi daripada semua pihak, maka program seumpama ini tidak mungkin dapat dilaksanakan sepertimana yang diharapkan. Beliau juga berharap agar majlis ini selari dengan matlamat memberi dorongan dan memotivasi murid-murid agar terus berusaha mencapai kecemerlangan dalam semua bidang.